



**KEMENTERIAN KESIHATAN MALAYSIA**

**KENYATAAN MEDIA  
KEMENTERIAN KESIHATAN MALAYSIA**

**SITUASI SEMASA DEMAM DENGGI DI MALAYSIA  
MINGGU EPIDEMIOLOGI 16 (14 APRIL 2024 – 20 APRIL 2024)**

Pada Minggu Epidemiologi ke-16 tahun 2024, jumlah kes demam denggi yang dilaporkan adalah sebanyak 2,321 kes berbanding 1,698 kes pada minggu sebelumnya. Terdapat empat (4) kematian akibat komplikasi demam denggi dilaporkan pada Minggu Epidemiologi ke-16 tahun 2024.

Kumulatif kes demam denggi yang dilaporkan sehingga Minggu Epidemiologi ke-16 adalah sebanyak 50,650 kes berbanding 35,202 kes bagi tempoh sama tahun 2023. Manakala terdapat 39 kematian akibat komplikasi demam denggi telah dilaporkan berbanding 22 kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-16 adalah sebanyak 80 lokaliti berbanding 107 lokaliti hotspot pada minggu sebelumnya. Dari 80 lokaliti yang dilaporkan, 67 lokaliti di Selangor, tujuh (7) lokaliti di WPKL & Putrajaya, dua (2) lokaliti Perak, dua (2) lokaliti di Kedah, satu (1) lokaliti di Pulau Pinang dan satu (1) lokaliti di Sarawak.

Bagi surveilan chikungunya, tiada kes direkodkan pada Minggu Epidemiologi ke-16. Jumlah kumulatif kes chikungunya sehingga kini adalah

23 kes. Tiada wabak chikungunya dilaporkan pada Minggu Epidemiologi ke-16. Bagi surveilan zika, sebanyak 795 sampel darah dan enam (6) sampel urin telah dijalankan saringan zika dan hasil kesemuanya adalah negatif.

Orang ramai dinasihatkan supaya meningkatkan langkah pencegahan denggi dengan memastikan persekitaran bebas dari bekas-bekas yang berpotensi pembiakan nyamuk *Aedes*. Lakukan aktiviti gotong-royong atau Cari dan Musnah tempat pembiakan nyamuk *Aedes* secara berkala di dalam dan luar rumah serta di persekitaran kejiranan termasuk di lorong belakang dan kawasan kebun komuniti. Selain itu, lokasi tumpuan awam yang berada berhampiran kediaman seperti premis ibadat, premis kedai atau kawasan taman rekreasi juga perlu dipastikan bebas dari tempat pembiakan nyamuk *Aedes*. Justeru, setiap individu perlu memainkan peranan di lokaliti masing-masing termasuk di tempat kerja untuk memastikan risiko jangkitan rendah.


**Tiada *Aedes*, tiada denggi, chikungunya dan zika.**

**DATUK DR. MUHAMMAD RADZI BIN ABU HASSAN**


Ketua Pengarah Kesihatan

Kementerian Kesihatan Malaysia


**29 April 2024**




**Gambarajah 1: Perbandingan kes dan kematian demam denggi Minggu Epidemiologi ke-16 & ke-15 tahun 2024**



**Gambarajah 2: Perbandingan kes dan kematian demam denggi sehingga Minggu Epidemiologi ke-16 tahun 2024 dan tempoh sama tahun 2023**



**Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-16), 2023 dan median 2019-2023**



**Gambarajah 4: Jumlah lokaliti hotspot denggi Minggu Epidemiologi ke-16 tahun 2024**